

宋本司空

表聖文集

續古逸叢書之十四

宋

本

司

印

宋

印

今

宋

宋
本
司
印

壬戌冬日上海涵芬
樓假朱翼盒藏本
影印遠近翻刻必究

司空表聖文集序

一鳴集

知非子雅嗜奇以為文墨之伎不足曝其名也蓋欲揣機窮變角功利於古豪及遭亂竄伏又願無有憂天下而訪於我者曷以自見平生之志哉因捃拾詩筆殘缺亡幾乃以中條別業一鳴以目其前集庶警子孫耳其述先大夫所著家諒照乘傳及補亡舅名權四歲能誦其舅水輪陳君賦十六著劉氏洞史二十卷贊祖彭城公中興事并愚自撰密史皆別編次云有唐光啓三年泗水司空氏中條王官谷濯纓亭記

翰林已

司空表聖文集目錄

一鳴集

司空圖字表聖

第一卷

雜著

將儒

銘秦坑

宣城遺事

辯楚刑

容成侯傳

移雨神

議華夷

上譙公書

天用

與王駕評詩

說鷺

第二卷

雜著



與李生論詩書

題柳州集後

休休亭

山居記

注愍征賦後述

題東漢傳後

貽王進士書

太原王公同州修堰記

與惠生書

第三卷

雜著

疑經

疑經後述

復陳君後書

與極浦書

月下留丹竈

與臺丞書

書屏記

第四卷

雜著

送草書僧歸越

絕麟集述

荅孫邵書

段章傳

華夷圖

烈婦傳

說魚

第五卷

碑

文中子碑

盧公神道碑

王公生祠碑

第六卷

碑

王縱追述碑

華帥許國公德政碑

解縣新城碑

第七卷

雜著

王公行狀

上考公

石氏墓誌

復安南碑

第八卷

雜著

題山賦

共命鳥賦

釋怨

春愁賦

情賦

連珠

詩賦

第九卷

雜著

温州仙巖寺碑

三賢贊

觀音贊

李翰林寫真贊

今相國地藏贊

香巖長老贊

王貞公贊

相國老君

化莫雕刻律疏

澤州靈泉院記

第十卷

雜著

壽星述

擢英集述

觀音懺文

迎修十會齋

雲臺三官堂

十會齋文

注愍征賦述

障車文

成均諷

司空表聖文集目錄終

司空表聖文集卷第一

一鳴集

雜著

將儒



銘秦坑

紀恩門宣城遺事

辯楚刑

容城侯傳

移雨神

議華夷

上譙公書

天用

與王駕評詩

說鸞

將儒

儒以將道肥其內也武以將威肅其外也未有內自瘠而外能勸者焉嗟乎古之用儒其所寄誠重矣儒之將道必欲張其治也獨將之不足侈其道故分已之任以寄於人亦由資衆力以夷大路綽綽然其甚闕也如有用於時者天下不幾平聲於治哉嗟乎後之爲儒其力寢羸矣簡固以自持窘默而多知所以任之於已不知所以任之於人而責之故雖用於時道亦削然不喻將儒之權耳且古之言兵必本於仁誼反是則一決之勇未足爲武一智之謀足以奪其機矧兼吾道以制於未萌哉嗟乎道之不可振也久矣儒失其柄武玩其威吾

道益孤勢果易凌於物削之又削以至於庸妄於武可也必將反是請先將儒

銘秦坑

秦術戾儒厥民斯酷秦儒既坑厥祀隨覆天覆儒讎儒祀而家秦坑儒耶儒坑秦耶

紀恩門主公文城遺事

疑

上四年春以大河南王公治狀宜陟詔假禮部尚書按察宣歙池三郡既即治未涉時吏化民悅晝士可爲冬十月賊始自同安分濟入屠至德在池州公遣將琢疾以兵助守池州亦有備賊少却會其黨繼至聲言扣壁實欲轉襲南陵公揣之如其計命樊儵進扼青陽路儵故自彭門分公察其健決而易敵誠之邀險無得輕

動儔伾去會諒者言寇少將遁氣欲生沮之麾兵不顧
既而越險賊遽至軍遂委而逸間二日馳歸以敗告公
數其違命立斬以聞諸將在南陵聞之者皆股慄以死
綴賊故青弋江得恣爲備青弋在江南東陵也人亦不
遙矣公前命寧國兵遮截之生得其踏白數十騎乃並
山引退四月兌渠復大入而都紀王洵亦自採石起援
公宴勞加禮且諭之曰盜匿情詐吾盡得之矣緩則虛
以自張急則給降而脫死無他謀也今席勝而驕謂吾
城不勞而可綴則攘臂而東前無絲髮之礙矣若知吾
堅壁待之其勢自衄將軍第按甲稔威以伺其隙慎勿
與之驟戰也洵意銳自州城日趨四舍至南陵未會食
而陣遽死之明日中貴人復歛敗卒尚四五千傷痛之

聲與塵埃相雜而至江南雅自怯獨幸北軍以為固及
聞洎敗相顧失色賴公前策洎不足持拒守益嚴又城
中水乏而泉自躍出人心益牢竟免攻圍之患既踰月
中貴人沮撓無去意卒橫不能禁公以書讓之曰吏之
捕蝗者既不克勝而且仰食於民是率暴以濟災也今
將軍纂天下精兵挫於狂寇而又恣之俾民不得治其
生業何以稱主上所以待將軍之意哉中貴人訶詘趨
發其親吏入里舍歐奪民馬公乘門望之麾左右立提
置杖殺軍愕眙不敢留自後日夕撫循常若寇復至者
其儲蓄繕完之利到今賴焉噫公始以傑德峻望為時
聳服而負持恢濟之心人莫能見雖不得致其道以和
平天下然捍境蔽隣不涸得賦亦足濟庸而塞恨耳愚

嘗襲跡門下受知特異敢次見聞以開史氏之聽

辯楚刑

楚謂獻璞者欺我迺連刑之酷哉曰彼獨鑒之不勝耳然其嗜寶之心皆達於下子故連刑之無怨王亦卒受於楚國嗟乎國之嗜賢宜急於楚之嗜寶也必嗜賢上心達於天下則負財求進者雖黜於見疑亦未為怨必有釋其疑者則其卒用於世也可幾矣不猶愈於易其知而嫉其進者耶嗟乎刑與辱上之所以肆於下也楚無嗜寶之心下豈受刑上無嗜賢之實士豈受辱必待誠門而絕愧哉

容成侯傳

容成侯金炯者本蜀嚴道人附山而居同族中多見搜

採其先因秦時調發詣尚方輸作世苦之乃誡子孫易其服色必以清厲自進後從居上洛會郡中盧生范生皆傳修鍊之術委質相資因砭磨以致用上聞而器之召見嘉其鑒局且謂毫髮無隱屢顧屬之歷試臺閣號為明達挾姦邪以事上者見之膽慄輒自披露至於婦人女子媚嫵之態亦不能掩也其察察如此雖待物無私方圓不礙然疵陋者終惡忌積毀於上以為背面不相副烟亦病於狹中不能以塵垢混其跡也竟被斥後有月蝕之變時宮漏下數刻上臨軒念其規益復急占俾其道所以然者扣之響應不疲上異焉命以客成侯奉朝請而宗人派別廣陵者炫飾求售陷為輕薄子權戚中或撫然自熹則狹玩不厭至或被以組繡蓋便其